



Inatsisartunut ilaasortaq Isak Hammond, Inuit Ataqatigiit
/Uani

MSC-mik meqqiliisarneq pillugu apeqqutininut nr. 2010-247-mut akissutininut tunngasut

Makkua pillugit apeqquteqaateqarputit:

1. Naalakkersuisut ilisimavaat aalisakkanik qalerualinnillu nunatta imartaani pisarineqartunit tunisassiat MSC-mik meqqeqalernerisigut nunatta avataanut tunisinermi akigititat MSC-mik meqqilerneqanngitsunit qanoq akigissaarnerutigilersinnaanerat?
2. Qanoq iliornikkut MSC-mik meqqiliisalnissap pingitsoornani atorineqalernissaa Naalakkersuisunit anguniarneqarpa, qaqugulu tamassumap atuutsinneqalernissaa ilimagineqarsinnaava?

Akissutit:

1-mut: Marine Stewardship Councili (MSC) tassavoq aqqissussaaffeqatigiiffik iluarnaarniarfiunngitsaq, 1990-ikkullu naalernerini suliffeqarfissuarnit Unileverimit WWF-i suleqatigalugu pilersinneqartoq. FAO-mit (FN's Verdensfødevare-organisations) aalajangersarneqarsimasut najoqqutassat aallaavigalugit "Code of Conduct for Responsible Fishery"-mik taaneqartartunut aalisarnermut "Code of Conduct"-inut piumasaqaatinik sukangasorujussuarnut naammassinnissimasut nalilerneqartunut MSC-mik nipittartumik ilisarnaammik tunniussisoqartarpoq.

Piviusumik, MSC-mik meqqilersuineq tunngavigisat pingaarnerit pingasut naapertorlugit sananeqarput; tassalu

- Aalisakkanik qalerualinnillu aalisagaqatigiinnik piujuaannartitsisumik atui-neq.
- Aalisarnerup kingunerisaanik avatangiisinik ajortumeerinissanik akornu-siinissaq.
- Aalisarnermik sunniuteqarluartumik takussutissiisumik ingerlatsineq.

Tamakkununnga tunngaviusut ataasiakkaat iluini aalisarnerit tamakku, MSC-mik meqqilersuinissamat qinnuteqartunut apeqqutit arlallit atorlugit pointinut uuttuutit atorlugit nalilersorneqassapput. Tunngaviusunut pingasunut taakkununnga agguaqatigiissillugu 80-it 100-llu akornanni angusaqaraanni, taava piumasaqaatit naammassisimallugit isigineqassaaq, kisianni apeqqutit 75-it missaasa ilaannaanilluunniit 60 pointit ataallugit angusaqaraanni, taava aalisarneq taanna pineqartoq angusinnitsoorsimassaaq taamaasillunilu, nalilersuineramik nutaamik ingerlatsisoqartinnagu meqqilersuinissamat angusaqarsimassanani.

Soorlu siusinersukku eqqaaneqartoq, niuertarfissuit nammineq tigooqqaasarfiit ataqatigiiaat amerliartortut pingaarnerusumik Europameersut piumasaqaataat qaffakkiartuinnarput, tassa aalisakkanit tunisassiat tuniniakkatik, pisarineqarsi- massasut tunisassiarineqarlutillu piujuaartitsinissaq

17. november 2010
Suliap noma. 2010-041433
All. Upp. Nr. 506719

Postboks 269
3900 Nuuk
Oqa. (+299) 34 50 00
Allak. (+299) 32 47 04
E-mail: apnn@nanoq.gl
www.nanoq.gl

eqqarsaatigalugu. Naggaterpiaani tamanna atuisunit tunuliaqut piunasaqarfigineqarnermik kinguneqarpoq.

Taamaattumik suliffeqarfiit avammut tunisassiorfiit Royal Greenlanditut, Polar Seafooditut kiisalu ingerlatsiviit allat Kalaallit Nunaaneersutut ittut, annertusiarortumik tunisassiamik avammut tuninissaannut ajornartorsiutit misigisarpaat, tassami niuertarfissuit nammineq tigoqqaasarfiusut taamaallaat MSC-mik meqqilersorsimasut nioqqutissat piunanusarmatigik. Taamaattumik raajanut tunngatillugu annertuumik ajornartorsiutaasoq, tassa canadamiut imaanit nillertumit raajaat MSC-mik meqqilersorsimammata, tassami Kalaallit Nunaata tamakkununga tunngatillugu unammillertiginerpaavaa. MSC-mik tunisassianut tunngatillugu, aalisartut paasissutissiinerat naapertorlugu maannakkorpiaq meqqilersorsimasut meqqilersorsimannngitsullu akiisa assigiinngisutaat annikit-

soralarsuuvooq. Kisianni anguniagaasoq unaavooq tassa siunissaq ungasinnerusoq isigalugu MSC-mik meqqilersorsimasunik tunisassianut akiusut 10 %-ti

angullugu qaffaanissaat anguneqarsinnaasoq. Taamaattumik meqqilersuineq siullermik pingaarnerusumik kalaallit suliffeqarfiisa avammut tunisassiorfiusut nioqqutissiaminnik tunisinissaminnut pitsaasumik periarfissaqalissapput, tassami imaakkami MSC-mik meqqilersuinissamut agguassisoqarsimannngippat, tunitsiviit ilaat kalaallit suliffeqarfiisa avammut tunisassiorfiisa appakaaffiginngitsoorsinnaavaat.

2-mut: MSC-mik meqqilersuinissaq anguniarlugu immikkoortut pingaarnarpaat ilagisimavaat, aalisarnermut pineqartumut meqqilersuinissamik angusaqarnissamik kissateqartumut siunissaq ungasinnerusoq eqqarsaatigalugu ingerlatsinissamut anguniagassanut pilersaarusiornermut tunngasunik arlalinnik suliaqarsimassasoq. Siunissamut ungasittumut ingerlatsineq taamaattoq ingerlatsinissamut pilersaarusiornissamik suliarinninneq aqutigalugu anguneqarsinnaavooq, tamannalu pequtigerpiarlugu ukiuni siusinnerusuni kitaani raajarniarneq pillugu ingerlatsinissamut pilersaarummik suliarinnittoqarsimavooq. Maannakkorpiaq kalaallit nunaanni qaleralinniarneq kiisalu saarullinniarneq pillugit ingerlatsinissamut pilersaarusiorneq suliarineqaruttulerpoq.

Taakkualu saniatigut maannakkorpiaq aalisarnermut tunngasut iluini nalunaarutit assigiinngitsut arlallit nutarterinerit ingerlanneqarput. Tamanna ilaatigut siunissaq eqqarsaatigalugu MSC-mik meqqilersuinissaq anguniarlugu.

Erseqqissarneqassaaq, kalaallit aalisakkatigut tunisassiaannik pinngitsoorani MSC-mik meqqilersuinissaq isumannaassallugu imaluunniit angussallugu Naalakkersuisut namminneq periarfissaqanngimmata. Akisussaaffeqartumik pisassiissutinik aalajangersaernerit aqutigalugit piujuaannartitsisumik aalisarnermik isumannaarinninneq aqutigalugu, ingerlatsinissamut pilersaarusiornertit aqutigalugit kiisalu inatsisiliornerit allanut tunngasunik isumannaarinninnikkut, Naalakkersuisut MSC-mik meqqilersuinernut angusaqarnissamut aqutissat ilaannut suliarinneqataassapput. Kisianni naggataasumik MSC-mik meqqilersuinissaq aalisartut namminneq

akisussaaffigaat. MSC-mik meqqilersuineq tamakkiisumik isigalugu tassaavoq namminersortunit suliniut.

Qaqugu kalaallit aalisakkanit atortussiaannik MSC-mik meqqilersuinissap eqqunneqarnissaa ilimagineqarnersoq pillugu apeqquq pillugu, nalunaarutigineqarsinnaavoq, kitaani raajarniarneq eqqarsaatigalugu tamaani MSC-mik meqqilersuiniarneq siuarsimangersaavoq.

Nalunaarutit assigiinngitsualuit nutarternerinut tunngatillugu piffissanut tunngasutigut pilersaarut atappat, taava ilimagineqassaaq, 2011-ip affaani siullermi kitaani raajarniarnermik MSC-mik meqqilersuisoqarsinnaavoq.

Qaleralinnik saarullinnillu aalisarnermi meqqilersuinerit pillugit eqqaassagaanni, suli oqartoqarsinnaanngilaq, qaqugu tamakkuninnga MSC-mik meqqilersuinissaq piariissanersoq, kisiannili Naalackersuisoqarfik aalisartunit ingerlanneqarneranik meqqilersuinerimik ingerlaavartumik ilisimatinneqartarpoq.

Inussiarnersumik inuulluaqqusillunga

Ane Hansen